

【語密】（科註第三九四頁倒數第三行）

《三藏法數》：語密即口密也。謂佛說法之時，或一里外聞佛音聲，或十里、或百千萬里外聞佛音聲。又一會中，或聞說布施，或聞說持戒等，各各隨心所聞，皆不可思議，故名語密。

【身密】（科註第三九四頁倒數第二行）

《三藏法數》：謂如來處大會中，眾見佛身，或黃金色，或白銀色，或雜寶色，或長丈六，或長一里十里，乃至現大神變，皆不可思議，故名身密。

【密教所立四身】（科註第三九五頁第四行）

《佛學次第統編》：四身者，自性身、受用身、變化身、等流身也。

一、自性身：十法界萬有諸法自然體性之身，云自性身，即理法身也。

二、受用身：有自受用，他受用之二：（一）自受用身。雖不離大悲，而本大智，而自受用，過恆沙之萬德，自受法樂之身也。（二）他受用身。雖不離大智，而本大悲，為初地之菩薩以上，俯同色究竟天，現最高大身，而說法之身也，以為他之機類受

用，故云他受用身。

三、變化身：為地前菩薩二乘等，或於淨土，或於分段同居土，變現丈六等之小身，而攝取之，曰變化身。

四、等流身：現同菩薩二乘天龍八部等九界等同流類之身，應機攝物而無障礙，曰等流身。